

景岳全書

卷五
二十六



景岳全書卷二十五心集

雜證謨

會稽 張介賓 會卿著

體字 查廷璣禮南氏訂

心腹痛

經義

舉痛論帝曰願聞人之五臟卒痛何氣使然岐伯對曰經脈流
行不止環周不休寒氣入經而稽遲泣而不行客於脉外則
血少客於脉中則氣不通故卒然而痛○帝曰其痛或卒然
而止者或痛甚不休者或痛甚不可按者或按之而痛止者



南京中医药大学图书馆版权所有

或按之無益者或喘動應手者或心與背相引而痛者或脇
肋與少腹相引而痛者或腹痛引陰股者或痛宿食而成積
者或卒然痛死不知人少間復生者或痛而嘔者或腹痛而
後泄者或痛而閉不通者凡此諸痛各不同形別之奈何○
岐伯曰寒氣客於脉外則脉寒脉寒則縮絙縮絙則脉細急
絙急則外引小絡故卒然而痛得炅則立止因重中於寒則
痛久矣○寒氣客於經脉之中與炅氣相薄則脉滿滿則痛
而不可按也寒氣稽留炅氣從上則脉充大而血氣亂故痛
甚不可按也○寒氣客於腸胃之間膜原之下血不得散小
絡急引故痛按之則血氣散故按之痛止○寒氣客於俠脊

之脈則深按之不能及故按之無益也○寒氣客於衝脈衝
脈起於關元隨腹直上寒氣客則脈不通脈不通則氣因之
故喘動應手矣○寒氣客於背俞之脈則脈泣脈泣則血虛
血虛則痛其俞注於心故相引而痛按之則熱氣至熱氣至
則痛止矣○寒氣客於厥陰之脈厥陰之脈者絡陰器繫於
肝寒氣客於脈中則血泣脈急故脇肋與少腹相引痛矣○
厥氣客於陰股寒氣上及少腹血泣在下相引故腹痛引陰
股○寒氣客於小腸膜原之間絡血之中血泣不得注於大
經血氣稽留不得行故宿昔而成積矣○寒氣客於五臟厥
逆上泄陰氣竭陽氣未入故卒然痛死不知人氣復反則生

矣○寒氣客於腸胃厥逆上出故痛而嘔也○寒氣客於小腸小腸不得成聚故後泄腹痛矣○熱氣留於小腸腸中痛癰熱焦渴則堅乾不得出故痛而閉不通矣○帝曰所謂言而可知者也視而可見奈何岐伯曰五臟六腑固盡有部視其五色黃赤爲熱白爲寒青黑爲痛此所謂視而可見者也○帝曰捫而可得奈何岐伯曰視其主病之脈堅而血反陷下者皆可捫而得也

賁按本篇論痛總計一十三條所言寒氣與良氣相薄及熱氣留於小腸閉而不通者止二條爲熱證而其他皆屬於寒則此證之槩可知學者當思所辨矣

終始篇曰病痛者陰也痛而以手按之不得者陰也深刺之
痺論帝曰內含五臟六腑何氣使然岐伯曰五臟皆有合病
而不主者內含於其合也○胞痺者少腹膀胱按之內痛者
沃以湯澀於小便上為清涕○痛者寒氣多也有寒故痛也
骨空論曰眇絡季脇引小腹而痛脹刺譴譴
調經論曰實者外堅克滿不可按之按之則痛○虛者聶出氣

不足按之則氣足以溫之故快然而不痛

平人氣象論曰寸口脉沉而弱曰寒熱及疝瘕少腹痛○寸口

脉沉而橫曰脇下有積腹中有積積痛○脉急者口疝瘕少腹痛

邪氣臟腑病形篇曰心脉微急為心痛引背食不下

衛氣篇曰新積痛可移者易已也積不痛難已也

厥病篇曰厥心痛與背相控善瘕如從後觸其心偃倭者腎心痛也○厥心痛腹脹胸滿心尤痛甚胃心痛也○厥心痛痛如以錐鍼刺其心心痛甚者脾心痛也○厥心痛色蒼黃如死狀終日不得太息肝心痛也○厥心痛眇若徒站心痛間動則痛益甚色不變肺心痛也○真心痛手足清至節心痛甚旦發夕死夕發旦死○腸中有虫瘕及蛟蛭心腸痛懷作痛腫聚往來上下行痛有休止腹熱喜渴涎出者是蛟蛭也○以上皆有刺法詳在本經

雜病篇曰心痛引腰脊欲嘔取足少陰○心痛腹脹齧齧然大

便不利取足太陰○心痛引背不得息刺足少陰不已取手
少陽○心痛引小腹滿上下無常處便溲難刺足厥陰○心
痛但短氣不足以息刺手太陰○心痛當九節刺之按之刺
按之立已不已上下求之得之立已

六元正紀大論曰不遠熱則熱至不遠寒則寒至則堅否
腹滿痛急下利之病生矣○土鬱之發甚則心痛脇腹嘔吐
霍亂飲發注下○金鬱之發心脇滿引小腹善暴痛不可反
側○水鬱之發民病寒客心痛○木鬱之發民病胃脘當心
而痛上支兩脇膈咽不通食飲不下○火鬱之發民病胃脘痛
邪氣臟腑病形篇曰大腸病者腸中切痛而鳴濯濯冬日重感

於寒卽泄當臍而痛不能久立與胃同候取巨虛上廉○胃
病者腹脹胃脘當心而痛上支兩脇膈咽不通食飲不下
取之三里也○小腸病者小腹痛腰脊控挈而痛時刺之
取之巨虛下廉○膀胱病者小便偏腫而痛以手按之卽欲
小便而不得取委中央

五邪篇曰邪在肝則兩脇中痛寒中惡血在內行善製節時
腫○邪在脾胃則病肌肉痛陽氣不足陰氣有餘則寒中腸

鳴腹痛○邪在心則病心痛喜悲時眩仆○

以上俱有刺
法在本經

經脉篇曰脾足太陰之脉入腹屬脾絡胃其支者復從胃別上
膈注心中是動則病舌本強食則嘔胃脘痛腹脹善噫心下



急痛得後與氣則快然如衰○心手少陰之脉起於心中出
屬心系是動則病噎乾心痛渴而欲飲○腎足少陰之脉其
支者從肺出絡心是動則心如懸若飢狀舌乾咽腫煩心
痛○心主手厥陰之脉起於胸中出屬心包絡是動則胸脇
支滿煩心心痛○膽足少陽之脉其直者從缺盆下腋循胸
循脇裏是動則病口苦善太息心脇痛不能轉側

論證共四條

凡病心腹痛者有上中下三焦之別上焦者痛在膈上此卽胃
脘痛也內經曰胃脘當心而痛者卽此時人以此爲心痛不
知心不可痛也若病真心痛者必手足冷至節爪甲青且發

夕死夕發旦死不可治也○中焦病者在中脘脾胃間病也○下焦病者在臍下肝腎大小腸膀胱病也○凡此三者按有虛實寒熱之不同宜詳察而治之

一痛有虛實凡三焦痛證惟食滯寒滯氣滯者最多其有因虫因火因痰因血者皆能作痛大都暴痛者多有前三證漸痛者多由後四證但重痛痰痛多在中焦火病則三焦俱有血痛則多在下焦然惟婦人則常有血證而男子則少也諸如此類但察其多滯多逆者方是實證如無滯逆則不得以實論也辨之之法但當察其可按者爲虛拒按者爲實久痛者多虛暴痛者多實得食稍可者爲虛脹滿畏食者爲實痛

徐而緩莫得其處者多虛痛劇而堅一定不移者爲實痛在
腸臟中有物有滯者多實痛在腔脇經絡不干中臟而牽連
腰背無脹無滯者多虛脉與證參虛實自辨微實者其調不
宜攻太實者或上或下非攻不可純虛者或氣或血非大補
一痛證有寒熱誤認之則爲害不小蓋三焦痛證因寒者常居
八九因熱者十惟一二觀內經舉痛等論義可知矣蓋寒則
凝滯凝滯則氣逆氣逆則痛脹由生而熱則流通多不然也
雖熱證亦常有痛然熱者必有明辨如內經所言腸中痛而
癰熱焦渴則堅乾不得出閉而不通者此因燥結熱閉故能
作痛然必有煩熱等證乃因於火最易見也今之医家但見

心腹痛證無問有無寒熱便云諸痛皆屬於火多用寒涼不
知此說出白何典而彼此訛傳無墨無根妄亦甚矣又見丹
溪治法云凡心腹痛者必用溫散此是鬱結不行閉氣不運
故痛也此說誠是也然又引原病式云若欲行溫散無助
火添病也由是古方多以山梔為主加熱藥爲向导或用二
陳湯加川芎蒼朮倍加梔子煎服痛甚者加炒乾薑反佐之
若此議論治法余則大有不服夫致病之由熱者白熱寒者
白寒病因火邪清利自愈固不必反佐也病因寒滯溫散自
愈又何爲反助火耶蓋寒者熱之熱者寒之此自正治之正
理豈可不論經權不分從逆旣宜梔子又宜乾薑槩用反佐

而治寒犯寒治熱犯熱乎因致後代醫流凡有見不重者每
每借此爲成法而藉口反佐誤入於疑似之中者不少矣故
余特爲反佐論在前二卷中以盡其義宜均察也
痛證當辨有形無形無形者痛在氣分凡氣病而爲脹爲痛
者必或脹或止而痛無常處氣聚則痛而見形氣散則平而
無跡此無形之痛也但宜順氣氣順則痛自愈矣○有形者
痛在血分或爲食積凡血癥食積而爲脹痛者必痛有常所
而脹無休息不往不來不離其處者是有形之痛也然或食
或血察得所因乃可收而去之此二者之當辨也

論痛脉

凡諸病之虛實辨之於脉者皆易惟心腹痛證則有大有小其
脉多有難辨雖滑實有力者固多實邪虛弱無神者固多虛
邪此其常也然暴病之極者每多沉伏細澁最似極虛之候
不知氣爲邪逆氣逆則脉道不行而沉伏異常此正邪實之
脉然於沉伏之中細察之必有梗梗然弦緊之意此必其邪
阻遏陽氣者多有是脉若火邪作痛則不然也凡見此者
得因其細極微極便認爲虛脫妄用補劑必大誤矣辨此之
法但當察其形氣以見平素之強弱問其病因以知新病久
病及何所因而起大都暴病痛急而脉忽細伏者多實邪久
病痛緩而脉本微弱者爲虛邪再以前論虛實之法酌之以

理參而診之則萬無一失矣

論治 共十五條

凡心腹痛證必須先辨寒熱如無熱證然脉則定非火則不

凡治心腹痛證古云痛隨利減又曰通則不痛此以開結堅實

者為言若腹無堅滿痛無結聚則此說不可用也其有因虛

而作痛者則此說更如水炭

一凡痛在上焦者如因停滯既痛兼脹不易行散而痛極難忍

者欲其滯去速效無如吐之之妙宜於新方吐法中擇而用

之若無停積脹急而或寒或氣

微有凝滯而作痛者但順其氣無有不愈

一胃脘痛證多有因食因寒因氣不順者然因食因寒亦無不



中醫藥大學圖書館版權所有

皆關於氣蓋食停則氣滯寒留則氣凝所以治病之要但察其果屬實邪皆當以理氣爲主宜排氣飲加減主之食滯者兼乎消導寒滯者兼乎溫中若止因氣逆則但理其氣病自愈矣其有諸藥不效氣結難解者惟神香散爲妙○若氣有滯逆隨觸隨發者宜用後簡易二方最妙

一焦小腹痛者或寒或熱或食或虫或血或氣逆皆有之此閉結者利之下之當各求其類而治之

一寒滯之痛有因內寒者如食寒飲冷之類是也必兼寒兼食隨其宜而治之如上法可也○有因外寒者或觸冒不時之寒邪或犯客令之寒氣或受暴雨沙氣之陰毒以致心腹攪

